

四庫全書

集部

欽定四庫全書

集部

兩宋名賢小集卷二百六十四
九

詳校官中書臣孫溶

助教臣常循覆勘

總校官編修臣王燕緒

校對官學正臣周鉉

謄錄監生臣王登贊

欽定四庫全書

兩宋名賢小集卷二百六十四

宋 陳思 編

元 陳世隆 補

方泉詩集

周文璞

瞿塘神君歌

黃衫紗帽佳少年
炯然餓虎窮山淵
不居秦鹿祖龍畔
卻

走碧雞金馬邊左手斜執巨靈鑿右手敬抱禹貢篇離堆
順流已受命一下不打天吳鞭有時挾彈莫表雲有時蹴
踞春風前有時却自着絳帕走入藥市尋神仙為人定似
李太白學道定似葛稚川孫翁走避乖崖叟遣僕送畫不
取錢神君廟食與畫像千古萬古當流傳我昔夢上神君
殿偶值蓬萊衆真晏洛陽開盡姚黃花銅駝陌上難相見

清明日書事

蒼弁一如楚執珪思想越吟身自低澗水又如古智士

縱橫流轉多滑稽雜花半開已倏落如怨曠女離深閨
幽禽自呼復相命如譴鬼魄傷窮棲而我自是不羈者
行行踏破青萋萋今回蕩槳苔雪溪與野老輩相扶携
園池亭野遊歷遍自對蜀錦傾偏提興闌徐走歸弟舍
同沃浮蟻烹村雞百五之浚最寥閔獨過趙灣西更西
野夫不知時節換但要熟醉如春泥

雲根

雲從會稽生旦旦見伯禹聽讀山海經成龍不成虎禹

命雲歸歟可向戡山去昂昂王內史眉宇照今古常來
此盤旋深巖無處所王孫江海人雲根自棲翥招邀玉
葉來以石為伴侶既從衣上浮只就茶裡煮不入晉家
池肯作秦望雨笑爾一文郎不學世間語吳儂哦五字
坎壈酸澁苦併送山中人約束雲下取

聽琴

向人欲抱舜文絃可喚書生不值錢彈出履霜空作惡
一林風露已鳴蟬

寄友人

流落他鄉鍛羽翰
半年寧復記悲歡
夜傳樓鼓思城角
朝見江船念客鞍
不恨形骸老閭里
遂令唇舌滿長安
寄聲好在文章友
目送春風自倚欄

雨

雨意遽如許
雲容亦可怜
聲聲總斷續
滴滴更勻圓
道院燒香地
山房焙畫天
故園無恙否
潤色到瓜田

陰山

陰山祠下月如霜不為嗟猿斷殺腸折得燈花無處賞
帶枝分與棹船郎

新亭

諸君收淚已無言煙外中原草色昏老子歸來坐廊廟
短轅車上欲消魂

法寶寺

細竹千竿殿影斜龍顏曾此著袈裟寺樓杳杳鐘聲度
疑有宮娥出晚花

戒壇

相君孫女小乘僧身入祇園佛律行三級戒壇秋色冷
箇中螻蟻亦長生

桓野王畫像

胡牀三弄清溪笛歎息欷歔太極箏
怊悵斯人風味減
江花江草不勝情

玉晨觀二首

野筍衝泉出山花避石開
余方有公事不為等閒來

羽扇臨元寺霓衣上醺壇尤枝松葉冷千葉杏花殘

寒食有感三首

生平叅道術師事太茅翁持鑰開金匱焚香立玉童黃
麟來地上朱鯉出江中今在桁楊畔依依睡晚風

清明好時節傲吏小詩家失意因流水傷心為落花人
歸知市肆日落見山斜明日三叉路村醪亦自佳

亭午步江隄誰云命不遭愛風吹蛺蝶怕雨爛櫻桃鑽
火烹新乳槌門覓小槽年今奇事少塵滿舊征袍

桂

偶向花邊立，懸如病已瘳。
小山今夜月，團樹滿庭秋。
清露霑叢底，斜河在上頭。
須臾香更好，還與碧雲浮。

自笑

自笑蕭條甚，微吟坐到昏。
江風來掃地，山鳥見開門。
茶面龍頭縮，花稍犢鼻溫。
一從杯酒少，不復過深村。

橋李道中二首

吹徹驚笙醉碧甌，古城斜日泛輕船。
此行憶著經行處，

卷二 百一十四
綠樹黃桑一樣高

臥龍山下聽吟松
細雨清明似夢中
柳蔭朱欄三百尺
渴鳥猶自泣春風

梅梁歌

文命殿角東北左
上有梅梁鐵交鍊
傳聞舊時枝葉生
木質鱗身無不可
有時正練離朱棋
歸帶濕萍光欲動
低頭下吸非嶺泉
奮髯直入陽明洞
旁觀但怪香火濃
頃刻即令風雨送
爾不見饑鳥啄鼓
來饋食走入嵩高

化為石機祥禍福儻或是陰陽幻變誰能測玉筍觀掛
白玉梁含元追下流血柱異事苟逢博物問後來那得
詳其故卷丹雲凝素霧玉蕭九成奠雕俎登歌升降只
仰俯嗚呼梅梁忽飛去

題關女騎

燕山雪花一尺飛關人關女夜打圍海東青過流沙西

黃頭郎主獨自歸創殘狐兔懸羶車疲憊鷹犬聞笳悲
君不見自從在晉納書款白溝河湑作邊面

東陽道中

野店梢頭起竈煙江雲弄色半晴天
暗泉遶砌喧人語
遠燒侵林照客羈
晚日未收雞上樹
春風欲度鳥耘田
布帆無恙歸心穩
纔到家山又迫年

鳳門泉

石根兩眼北流泉
乳竇潛通御井邊
飄出宮花人不識
又沿哀草下山前

寒食曲

今年寒食好天色遊人踏青行不極尋山不憚千里遠
往往啼號濕松栢一杯纔酌墳上土祇就墳前便歌舞
故鄉自有懊惱聲揷腰羊皮小番鼓吁嗟悲歡一餉間
但恨死人不能語君不見北客紛紛俱落南先冢盡被
黑塵漫影堂逢節具飲食魂魄夜行溪谷山

賞春二首

滿酌黃封都市酒斜簪縹帶御園花半酣更乞跳珠水
獨對風爐自煮茶

賞春社裡鼓逢逢尚恨聲同調不同我亦明朝苦無事
更來吹笛亂山中

春懷

棠梨未落柳絲長料望幽人作斷腸
已自不堪田父飲更能從入少年場
山連莽莽荒陂白門掩蕭蕭野日黃
想得故園疎雨外樽前催拍杜韋娘

暮雨

暮雨瀟瀟郎不歸尊前誰憶舊歌詞
望夫烏臼濃於染

葉葉驚秋恨欲飛

卽事二首

樂使金花鼓蠻衣紫金鞍番官船過界驛吏報平安
龍護朝元閣鶴棲封禪臺中原垂白叟只望羽書來

題堯章新成山堂

早將心事付漁樵苦被幽人苦見招多種竹將挑笋
斲旋栽松待斫柴燒壁間古畫身都碎架上枯琴尾半焦
猶有在山窮活計仙經盈卷一村瓢

題盧中之羸綱圖

昔日三郎騎爾祖廟食太山可辛苦後來崎嶇蜀棧間
棄置龍媒復親汝深山古木雪漫漫陰途十步九步艱
綱頭呪囑勿損折要爾助軍身補官

贈相士丁日宣

張公謂余可神仙薛顛謂余可英傑丁生謂二皆無成
世間安有此奇絕麒麟閣上冠貂蟬龍虎鼎內治大丹
興來一笑掃長空回首已自升雲端何如只向松江渡

楊柳影邊茅屋住臥看蒼虬挾白雲卷取秋濤過江去
弔黥卒

吾作窮奇白下囚汝披短褐從吾遊蔣侯廟畔沽春酒
周處臺邊送客舟械欲破時應日慘命將絕處亦天愁
江陵柳大如知此對著官軍輒淚流

楊孟博挽詞

向來洛下老書生今見諸生更老成不復秀才趨試院
已題文學上銘旌泛觀今古人亡恨只有英雄命莫爭

來帛不聞妻子哭依然認作讀書聲

贈隱者

袁三柳大劉廿八長到先生卜肆邊
便拜逸妻為嫂氏更沽春酒作家筵
山公馬在何須爾林屋丹成亦偶然
獨此老身無籍賴為他人擲卦爻錢

劍客行

燕雲王氣著柘黃仁人烈士集太行
已聞泣涕拜明詔共挾金輿歸太梁
安得山人一雙劍走入雲中看不見

人間夜半風雨時
遠人首奏延和殿
我生四十無所成
荆淮河漢為知音
丈夫志在仁義耳
麟閣貂冠非本心
功成劍化兩龍去
我亦變名入煙霧
此時再拜康山人
九霄客星在何處

書事

說戰猶能聽聞屍
不忍過後人愁似
鬼病馬瘦於馳甚
欲叅經緯其誰出
揣摩中原有遺老
亡奈檄書何

見泗州降者

纔月降闕便守邊大家齊數中興年姑蘓寺裡相逢處
為爾呻吟一悵然

感興七言三首

寥寥古意少人傳莫為薰琴只五絃夫子縱心方學易
我曹何意便談元神馳洙泗身將老望斷沅湘眼欲穿
月白風清如此夜阿郎不肯上釣天

在家莫羨出家僧擾擾營營竟未曾相國舟中龍奪劍
山人琴畔鬼吹燈從來不肯尋真訣更自無心學大乘

漢室諸公鳴玉佩也須還我一枝藤

夜夜推敲學苦吟一如鍛鍊假黃金石間真隱何時出
地下狂魂無處尋獨鶴尚知長袖舞哀猿空作斷腸音
故墟杞菊今何似桂落小山春水深

題天童全老

天童寶樓閣銅釘敞朱扉一老燒香後諸禪乞食歸天
聽塗毒鼓神捧苾芻衣說了村夫偈依然入翠微

送人之金陵

江山不逐寒潮晚陵墓猶含古木春
君入臺城須訪問箇中定有六朝人

送逸人歸茅洞

三君乘白鵠各在一山椒
子去穿茅洞人方采藥苗
花連雲氣近松轉水程遙
想得尋幽侶空歌散午朝

中秋日遊能仁北寺兩刹

輕雲漠漠煙漫漫杖藜扶行不作難
無量壽佛像最古未曾有
經碑亦殘秋花泣露顏色好
客子著雨衣裳單

題詩寫寄莓苔壁勿使他人相對看

贈虎邱僧道輝遊天台二首

世讚碑文換穹龜上綠苔琵琶不可聽樓閣更堪哀竹
動禪僧入梅香凍雀回開幽繡內典日晚未歸來

少小郎精勤叅禪復著文香薰滄瀆像茶醑武丘墳入
足山猿見吟詩海鶴聞幽情正迢遞又拜石橋雲

西湖即事

閒看浮鳩棲曲清倦隨奔鹿上荒陵松門雨過長廊靜

一架藤花供病僧

官人斜

魂魄淒涼掩暮塵
野花山葉自精神
年年中使頭邊過
暗裏相看似路人

上强寺

方池流水碧溶溶
悵悵靈蛇不易逢
門外行人常立看
一株唐末半枯松

太湖

太湖我汚地茂苑我林莽橘柚我堆盤鱸魚我登俎區
區為蘋花移去溪上住終當賦歸歎來此臥煙雨

寫懷二首

吾聞唐諸僧往往多人傑有携至嵩廊可並夔稷契偉
哉寒山子拾菜衣百結其文似離騷但自寫木葉
往時陸荆門自是天下雄徒隸解散盡何處尋樊翁遂
令一世士默默逃虛空至今大堤上葉葉皆春風

九溪十八磧

九溪十八磡冷見帝青苔洗足僧書石臨泉客放杯紫
頭松葉響身畔野花開百六辭歌吹清遊始一回

吊辯才二首

讀了碑文讀祭詩冷看遺像立多時郎當嶺上生雲處
山鳥山花憶老師

坡使叅寥滴莫茶定將老淚濕煙霞誰知走入靈山隊
又對閒人說法華

西湖小隱

先帝何曾寵倖臣
家園籍沒幾經春
一丘賜與嬋娟魄
教主西湖似洛神

麴坊

麴坊纔盡上湖船
笑問雲山欠酒錢
兩行柳絲黃不斷
不知身在御園邊

壽星寺聞子規二首

子規欲歸歸未得
啼向錢王壽星石
明月血盡人不知
只怪曉山深似碧

莫向空山惱病僧
莫雲臺殿異鄉人多時不識巴江路
守著濃花哭過春

分夢泉

偷得兩泓清問他猿鳥
啼上下泉邊身上下牀上客相
對各相忘山中小花白

隱者居

密竹緣坡便當籬
野泉入戶自成池
牀頭一卷麻衣易
更有寒山拾得詩

逸士墳

魂歸魄散兩逍遙
小小丘亭慰寂寥
守墓未須芸宿草
白蟾方護紫芝苗

夏日偶題

溪友相呼上釣舟
藕花菱葉思悠悠
好詩已在前山寺
寫過參寥石井頭

謝頤師見過

雲卷道者方晝睡
有僧奚為入桑杞
惠然相過窮壑底

共談儒流佛宗旨二家之風亦頽靡吹而颺之誰為起
寒灰煨芋香透紙呼童就鄰一賒米作糜煮菜相料理
吾窮於世無比擬殷勤相覓有吾子漫書七字聊送君
往供天嬪泣山鬼

望茅山六言三首

羽衣藥叟歡迎手執蘭花共行從此十年不調可能久
視長生

昔年唱采芝歌已老頭顱奈何不見飊輪碾處白雲出

沒常多

蔣家兄弟清古著書元相推宗搏土劃沙戲劇穿崗度
嶺從容

寄山中道友三首

玉函捧上五雲堆著意通幽此一回三十年來增悵望
更無人上望仙臺

忽忽山信寄來時中有黃庭七字詩已死華顛無覓處
幾回吹斷玉參差

憶得尋山復出山
綠楊時候暮春間
至今只有遊仙夢
長與春風自往還

初營鳳山

香草參差種幽花
逐漸移既添醒酒石
須著放生池
春在年年好山來
處處奇吹簫吾不解
長嘯却相宜

梅谷

香爇雲頭玉雪身
緩行微咏岸烏巾
始從谷裏看修行
却向水邊逢麗人
客子去時方得月
嶺猿啼後便傷神

鳳凰欲下簫聲緊狼籍瀛川萬斛塵

法華小隱

偃蓋著地臥清瑤傍渠走散入流觴臺轉若珠曲九淙
淙不知休還赴石鯨口灣濃合巨澗橫橋傍蒲柳來看
暮春餘衆綠濃似酒摩娑蘓陳刻愈覺歲月久寺僧愛
光焰捧送貴侯有至今星散居各自開戶牖自棄眠雲
身誰復釣月手夕陽令我歸為爾重搔首

既離洞霄遇雨却寄道友

欽定四庫全書

凡骨何堪得再行渴心欲要謁通明驚聞竹樹連山雨
疑有風雷掣地聲鹿啖黃精知歲久人逢青箬便神清
重來只要齊盂飯副似堂堂枸杞羹

題曹武帝削瓜圖

阿瞞瓜分姿見之垂髻中此心既弗又此道安可洪漢
祚既墜地餘子方困窮仁義儻自唱歷數豈不同挾令
及宮閭殺士延奴童至今弔古徒哀痛殊未終實以已
偏仄遂令彼長雄畫圖出後世界見經營工想其鼎峙

勢亦天誘其衷此章弗徒歌聊以裨國風

題蔡武伯所收荆公硯

獸面三脚莽回互中有滲液美無度當時曾出富國疏
老子平生用心處如聞四海失枝梧可憾諸公欠調護
帝謨商頌周六典刻畫聲形勞解詁下令文字與風騷
一一相輝炫絢素誰令天子遽如許可是石也能無預
陳元同歸蔣山路亦使高流野僧覩若為持入定林中
應有明雲入天柱吾鄉風流蔡夫子匣而藏之閤垂露

君不見公卿後進陸象山作祠堂記餘千言直欲百世
俟聖賢惜哉不得銘此硯使我失意心惘然

歸別墅

幽棲久不到猿鶴擅藤蘿叢篠生將遍流泉咽更多鄰
翁新釀熟野寺暮鐘和亦有經行者來觀倚杖歌

早起

佛香纔了換儒巾身是人間自在身一路野花清養目
半溝流水靜怡神

雨宿山中

留連如有情，蕙帳極空明。
晚粥知泉味，昏鐘度雨聲。
稍容鄰叟睡，莫放曉猿驚。
剝欲剝苔蘚，應當寫姓名。

再遊九溪

昔年九溪十八澗，今度見之逾清真。
靜依落落石路晚，閒繞寂寂山家春。
可憐潺湲似留客，更覺曲折能隨人。
得得杖藜來盡日，野棠山杏亦精神。

偶題

海氣江聲相與浮
今時帝里舊杭州
西湖寺裡多金碧
自厭穠華不肯遊

送人之官巖陵

如君風貌又精神
自令拖紳近紫宸
平地有心開洞穴
十年無俸著閒身
已看青舫垂垂去
須憶緋袍艷艷春
若向元英臺下過
為言亦是學詩人

與弁山道士飲

采茗歸來日未斜
更携苦菜入仙家
後園同坐梧桐樹

仰看紅堯落澗花

不欺齋

陳兄榜名不欺齋不欺本自誠中來晚周洙泗漢伊雒
中間此道寒如灰不欺齋中一尊酒兄乎此意差耐久
真情往往到僮僕何況親知與朋友君不見湯脫胡堯
一語失此是迂翁年少日陳兄再拜吾事畢

兩宋名賢小集卷二百六十四

欽定四庫全書

兩宋名賢小集卷二百六十五

宋 陳 思 編

元 陳世隆 補

吳齋小集

危稹字逢吉舊名科臨川人淳熙十四年試春官知
舉洪公邁稱其文踔厲雅健登乙科授南康軍教授
士經指授文體丕變後知湖州又知漳州為義塚募

喪之無主名者二千三百餘建龍江書院奏罷經總
制無名錢五千緡與部使者忤請祠歸築屋城南嵩
源與鄉老七人為真率會自號吳齋又號驪塘卒年
七十四真西山德秀嘗舉自代至是銘其墓有吳齋
集諸經講義集解史編王府藥山集皆行于世

借詩話於應祥弟有不許點抹之約作詩戲之

我有詩書癖每喜以筆味抹黃飾句眼施朱表事派此
手定權衡衆理析畎澮歷歷燦可觀開卷如繪畫知君

篤友于因從借詩話過手有約言不許一筆壞是語落
我耳便覺意生拭明朝試靜觀議論頗澎湃讀到會意
處時旨欲犯戒將舉手復止火側禁搔疥技癢無所施
悶懷時一噫只可捲還君如此讀不快千駟容可輕君
抱亦少隘昨問雞林人尚有此編賣典衣須一收吾炙
當痛嚼

上隆興趙帥

買宅須買千萬隣李睢喜得王僧珍買山百萬復誰與

襄陽節度真主人吾生兀兀鎖壺簡不肯低頭植資產
綴名虎榜二十年依舊酸寒廣文飯綠鬚半作皇皇華
豈堪風雨猶無家大鵬小鷄各自適只有鴻雁長汀沙
弟昆團樂雖足樂老屋蕭條不堪著玉堂便是無骨相
也合專儂一丘壑近來卜築窮冥搜十里而近依松楸
驪龍塘上鄧家丘半山老人所釣遊半山天下文章伯
鄧家聳名亦輝赫斷碑猶在古牆陰好句曾經寫山色
買隣得此天所予獨欠山資無覓處平生罵錢作阿堵

倉卒呼渠寧肯顧君侯地位高人雲筆所到處皆成春
萬間廣廈茲許遠豈無一室棲貧身王鄧故處為隣曲
更得趙侯錢買屋便哦詩句謝山神飲水也勝樽酒綠

鶴

楚楚雪衣明烟霞徑裡行不官陶令野有節伯夸清一
見消塵慮相親長道情秋風著梧葉時作九臯聲

王架閣夙有恭癖嘗於和篇中譏其不工架閣頗
諱惡其說復次韻戲之

劉伶耽於酒淵明玩於菊君乃癖於文愛棋猶更篤文
高新掌故棊只肯祕讀我昨却策兵法謹夾谷不知
君諱之護名如護玉恥鼓趙王瑟欲舉漸離筑明發疾
呼予開枰數反覆盛氣欲吞敵厲響亦驚俗失利頽湊
頗得雋喜填腹勢固健於常年終弱於僕君名高天下
此時一不足小負毋重爭旁觀有靜矚大明昧於小月
固不勝燭切勿罪劉五此筆競所錄

時涂任伯亦頗短
架閣之棊而和篇

言不工者實予也
架閣乃歸罪於任伯

挽同年胡司門

期築盟惟舊交承契更深雨聲春共酌燈影夜同吟接
武方堯殿招魂遽楚音尤憐哭君日來納惜時金

藕花中未開之荷穿葉而出

風清晏瑤池正擁萬姬醉忽有青山人穿伏獻封事

春日有感三首

封彌院中作

春入長安百萬家湖邊無日不香車一株柳色吾無分
看殺庭前薺菜花

看書數頁眼花旋推過薰爐去打眠五十壓頭衰白盡
書無靈聖事茫然

情知老却流鶯了爭奈狂如蛺蝶何尚有紫微紅葉在
佳人休唱怨春歌

上雷漕

破裘芒屨晚山前手挽烏桐白玉弦聞道知音在高處
一聲彈入紫微天

徑從豐城謁于房州于令侍姬歌舞進酒二首

蛾眉對歌舞涼伊舞聲還逐歌聲齊捲花萬段忽進酒
鬪高蝴蝶飛來低

更有佳人在空谷能唱春風天上曲何時得上金玉堂
一聲飛度龍吟竹

送劉帥歸蜀

後溪先生也

萬水朝東弱水西先生歸去老蛾眉人間那得樓千尺
望得蛾眉山見時

贈書肆陳解元

吳齋幸自少人知
飯飽官閒睡轉宜
剛被旁人去饒舌
刺筒花下客求詩

兀坐書林自切磋
閱人應似閱書多
未知買得君書去
不負君書人幾何

題吳淑妃真子

海靜江澄玉雪腮
何年何月下瑤臺
卷中不敢端詳看
曾得君王一笑來

春日即事

麥風翻隴發濃綠
花露滴枝粘老紅
小立樓頭檢春事
一絲暖日墜青蟲

聞鶯

天上金衣侶還能貺
草萊風流晉王謝
言語漢鄒枚公等
久安在
今從何處來
山禽正嘈襟
慰我日徘徊

送孫行之出守衡陽

日日江頭送客行
況聞君去作專城
心存臣子無中外
身繫朝廷有重輕
諫疏滿懷催上道
中原萬事想關情

叢葵到底還傾日側耳衡陽來雁聲

挽月湖二首

天何奪我老先生
軒冕叢中王雪清
英石數拳歸艇重
月湖千頃世緣輕
雲山買得無餘俸
句法流將不盡名
頭白賈生非不遇
所言向已略施行

詔書屢趣入承明
黃閣前頭不肯登
若欲歸休同野老
本來清淨是禪僧
苔生文塔今成古
影挂山房喚不應
猶想經行泉石處
亭嵒憔悴一枯藤

送晁告遠得南康

我是康廬舊冷官夢魂今尚憶雲端山將草色到天碧
泉帶松聲出谷寒仙觀幾年留鶴隱古潭有日起龍蟠
使君肯著詩料理乞我蠻箋半幅看

上趙總領

趙猶記向來未改之名

一見煩公道眼明懸知徹底五湖清豈期天上張公子
猶記當年劉更生幾度夜深流水操無心人認斷腸聲
平生不面却相識黃鶴樓前今一鳴

牽牛花

青青柔蔓遶修篁
刷翠成花著處芳
應是折從河鼓手
天孫斜插鬢雲香

接客篇

接客接客高亦接低亦接
大兒穩善會傳茶小兒躑躅
能作揖家人不用剪髻雲
我典唐書充饌設唐書典了
猶可贖賓客不來門戶俗

郭公篇

郭公郭公聞爾失國春秋時何事到此猶悲號郭公前
言亡國故當時只緣臣子誤百年社稷不得歸而今家
住柘崗西滿目春風都是恨聲聲說與齊侯知郭亡矣
君勉之

婦歎

記得蕭郎登第時謂言即日鳳凰池而今老等閒官職
日欠人錢夜欠詩

兩宋名賢小集卷二百六十五

欽定四庫全書

兩宋名賢小集卷二百六十六

宋 陳思 編

元 陳世隆 補

露香拾藁

黃大受字德容自號露香居士南豐石門人嘉定間
以詩雄江西秉姿簡重言動舉止俱以禮義自持嘗
遣其子載從烏州李守約學朱子之學後仕于鄞著

政聲有露香拾藁

春日田家三首

凜寒陵熙春誰為禦其侮酸風吹積雪濃雲灑飛雨農
夫荷耒耜做載耕斥鹵為其有身累寧免自辛苦妻兒
送中飯凍凌強欲吐晚歸極困倦倒睡帶泥土朝來天
光開紅紫新媚嫵南園踏青人日暮猶歌舞

二月祭社時相呼過前林磨刀向猪羊穴地安釜鬻老
幼相後先再拜整衣襟醺酒卜筮珥庶知神靈歆得吉

共称好足慰今年心祭餘就廣坐不問富與貧所會雖
里間亦有連親姻持殽相遺獻聊以通慇懃共說天氣
佳晴暖宜蠶春但願雨水勻秋熟還相親酒酣歸路暄
桑柘影在身傾歆半人扶大笑亦大嗔勿謂濁世中而
無義皇民

清明百草春家家上丘墓南隣去年冬禍痛及翁嫗酒
殺羅新阡感額見追慕舊時細君墳望見泪已注紙錢
風飄飄世用此文具其間無紙者已無子孫故有紙與

無紙百步五十步

偶成

高唐作夢時宋王乃得見那知賦說夢夢外雲雨怨此
賦苟不作應無列女傳

蕨薇生山巔長不踰蓬蒿松柏生澗底歲久還干霄稟
質自不同托身奚必高

綠草何自來蔓延滿中庭前朝方芟夷茲視忽已盈竹
間幽蘭花數回移乃成

讀四皓傳

白雲茫茫歌紫芝人間無路瞻龍眉太子介使招忽往
高祖問省心先知翁生商山名八極此時不出漢事危
敢惜雙足惜漢鼎非私劉氏私黔黎欠呵千年橘中叅
華陰墮驢者為誰

老蹇行

朔風狂驚岷峨流帝勅雲螭藩四州領珠千載化老蹇
一變為四鐻川鍵蠡叢簸弄幾回翻欲捲全蜀淪腥膻

瞿塘下連滄海脈愁積溟漲字黿極臣冰呼天天不聞
快斥金翅清江氛連環不解萬古鐵陽侯依舊千江月
紫庭登奏尤其元西州之功不補愆清源血食天地久
其於冰兮亦何有

有勸清源君戒殺君曰非我意
出水問守寨數萬鬼以示之

昭潭寄內人

不接安書動隔年
二千里外極懸懸
老親強健知勤饌
諸子癡頑恐費鞭
幸有田園堪卒歲
使知詩禮可無錢
客中亦有風流罪
長伴梅花對月眠

由洞庭入五田

一汀紅糝蓼花天
滴滴清寒曉露圓
回首洞庭山半點
傷心桂嶺路三千
詩魂夜寄青林月
漁唱聲回綠樹烟
却笑陶朱不如我
吾無西子與同船

油口夜飲醉臥一室及覺三鼓矣秋夜新冷雨濕
虫鳴展轉不能成寐于是浩然有歸志

一榻翛然著醉濃
沈沈清夜大槐宮
夢回作惡酒氣重
枕上不眠歸興濃
點滴落堦添悶雨
清哀遶壁訴寒虫

計行良未成端緒何處高樓撞曉鐘

沙頭秋晚

霜風吹凍玉池冰留滯周南尚未行
病久故園千里夢夜寒孤舍一枝燈
愁緣南國歸舟影心斷黃蘆落雁聲
老劍已閒頭已白祇堪吟咏課歸程

竹

虛心懷明月勁節挺玉立豈是外春風
春風無處入

宿岳陽張漕書堂

雲低風轉冷黯黯起秋陰薄暮細雨過小窓寒氣侵關
山千里夢骨肉十年心病意兼歸意攢眉寫萬金

廉泉

一泓落古寺三赤開方池懷山決瀆後爍石流金時君
看此廉泉不增亦不虧炯炯玉色透燦燦金沙輝竭來
臨古寺石鉞行相隨呼童試春芽活火烹新奇一啜利
喉吻再啜心神怡冷然清風來玉液通華池憶我心地
初與水同一幾心泉本無事何必希夷齊曰泉已強名

沉復有是非一笑付自然貪廉吾不知

寧化白水礫甲子春

雪瀑從天下餘流亦建瓴雙崖秋氣逼九地殷雷聲虎
穴山川險蛟延草木腥負嵎由此徑異日不堪行

晚步

扇小葛衣輕風清草露平水聲逢石怒烟景近山明喚
犢牛回顧驚人犬倒行耨夫方到屋月已屋頭生

荊州人種秧擊缶於田間以樂農者嗚呼其猶有

先王之世之遺意歟

鼓聲響答缶聲喧歌笑聲多日易昏尚有樂農遺意在
要知此地近中原

呈魯齋提刑伯

散盡黃金與客休田園不為子孫謀白頭更自嫌多累
尚有瀟湘萬卷樓

江行萬里圖

雪山西來接海白天之所以限南北誰人胸裏著輿圖

揮斥荆吳入綃墨濃濃淡淡兩岸山烟波瀾茫江面寬
水空漠漠鳥飛絕漸看漸遠天漫漫客舟沂流先後去
風帆飽腹如飛舞有時小艇絕波來不知何處橫江渡
鍾山隱隱開金陵雨花臺前留玉京汀洲過處小孤出
垂楊綠引潯陽城蘄黃紫翠互卷舒武昌樓臺半明滅
周郎赤壁杳難憑洞庭寒烟濛孤月西江耿耿沙籊清
三十六灣斜照明黃陵廣深楚山濶九疑削成黏天青
我來展軸驚快覩恍然對面水仙府片時行盡江南天

弔古何勞出門去南巡真人忘卻歸軒轅龍去渺難追
咸池曲絕誰奏樂風雨啼痕滿竹枝六朝虎士工設險
蹴踏滄波當揮劍血流不惜惜江流肯放飛埃過天塹
濫觴曾聞蕩雍丘楫聲若為空悠悠江聲至今恨不盡
枉白萬古英雄頭兩階干羽古虞后八公草木今健否
長安正在碧雲邊斜日西風重回首

梅川呈同舟游仲發時中流失舟故云

投晚鍾公渡急湍急流送我轉千盤羣犀戲俗江含石

餓雁悲鳴櫓下灘
吟骨欲投魚腹葬
夢魂那許蝶身安
可憐八尺奇男子
不作當年跛足看

遣載入閩從李守約

考亭高弟說烏洲
小子何妨作遠游
問學再三勤講貫
立身第一在操修
機心僅可文章用
邪說毋從釋老求
更做程文須典實
年來華藻近輕浮

即事

路轉欹橋曲陰陰
石磴低紫藤
藟碧樹紅葉繡
清溪草

露明侵徑秋香暗刺衣前灘水聲好欲趁釣魚磯

織女蟲

灝氣逼昆河佳期匝眼過草間聞織急天上想寒多燭
裏頻挑錦邊頭冷枕戈終宵弄機杼奈此月明何

早作

星光欲沒曉光連霞暈紅浮一角天乾盡小園花上露
日痕恰恰到窻前

歸來

近日多騷客吾哀不可追松間哦魯頌花下看唐詩好
鳥山深語寒蟬日暮悲此聲長叶律新句總堪疑

公安

市人屋井底揀與江堤平大江壓堤來浩浩勢欲傾古
堤騰長蛇獨與江爭衡積流增巨漲飄突萬馬驚油河
與之合盤渦沸溟騰折旋聲洶湧吞汭翻長鯨微茫隔
邛岸百尺崩沙潁中流有行舟來往如飛蠅巨風推銀
山性命鴻毛輕設險護東南天巧如揭繩用武莫若荆

英雄所交爭玄德欲興劉於馬深經營坐據此要湍進
退窺敵情時事一阨塞拂衣開西局至今聞西偏城治
餘丘陵湯湯橫乎前何畏百萬兵善衛保其吭坐待其
師崩更能用吾長談笑取其羸何者非神機用之須人
英機畧失所用山川無常形休兵不敢論淒咽含餘情

中秋舟次沙津

去年中秋月照我入桂城今年中秋月送吾到江陵桂
林二千八百里城邊買船發春水瀟湘六月寒如水洞

庭湖中秋氣生峽江西來雪波急片帆帶雨烟中濕朔
雁不來蘆葦秋風林漸漚生人愁反思前年風露好月
入金罇醉將倒如今飄落千萬山烟波瀾漫幾時還露
香堂中千百瓊玉瓶取醉風吹夢今宵弦管鬧繁華燈
火沙頭一萬家爭似詩翁弄江月微吟還自汲江花

鬱孤

臺高日欲暝晚眺眼增明疊嶂羅雲樹雙流抱粉城低
浮烟萬棟清送月三更尚約秋吟夜江聲帶雨聽

病起

煮藥爐邊過一春，瘦骸唯與病相親。
雨多藥裹易生暈，潤透巾紗懶拂塵。
枕上最宜思過，青靜中倒得養精神。
不辭小現維摩詰，只恐今無問病人。

枝江九日簡周宰

日車不照出郊車，門外天陰雲尚羸。
青州未有居士供，白衣知是誰家奴。
江山有恨橫饑眼，茱菊無情對臥壺。
贏得閒闌吟苦句，定無人敢喚催租。

公安寓館夜立觀前用載韵

脩脩一古觀我到夜何其仙磬吟風殿幽人汲露池星
沈螢聚水月倒兔懸籬四起鐘聲亂凌風欲化肌

秋夜讀書

青燈澈虛堂微風動衣襟兀坐耽陳編起觀星河沈古
人豈可見所希見其心終然發水歎不寐鳴牀琴

梅

自見梅開後相看不暫離只因愁落去不忍看繁時佳

實美堪味遺音角可期牡丹專富貴春盡却空枝

兩宋名賢小集卷二百六十六

欽定四庫全書

兩宋名賢小集卷二百六十七

宋 陳思 編

元 陳世隆 補

斗野藁支

張蘊字仁溥邢州人理宗時為禮部郎官與浮玉施
樞往還相善有斗野藁支一卷

雲間

勸倚柁樓聞鶴唳半生此地一經過機雲故宅荒涼月
湖海新秋浩蕩波曉艇紅蓮商客市夜窓白苧女兒歌
吟邊冷被沙鷗笑衣化京塵鬢亦皤

江湖偉觀

隄柳朝朝送酒船一闌山色越帆煙蓬萊雲氣東溟外
閭闔星辰北斗前突兀向來無此屋登臨當日有諸賢
夕陽過雁慵回首吟入關河萬里天

鳳鶴鵠三題與江社同賦

一去朝陽寂不聞
西康臺北起寒雲
梧花竹實年年事
奈此喧啾百鳥羣

冰雪精神兩瘦蘆
天風入羽思江湖
逋仙梅下曾相識
千載歸來一語無

月樹爭枝影共寒
楂楂飛過屋頭山
五陵年少多春悶
一彈千金落等閒

顧遙

海水還清淺
停杯問二豪
雨來江色暝
沙長岸容高
鞅

吏何能脫王程敢憚勞秋風柁樓底短髮不禁搔

錢氏東皋

百年鐘鼓園林在人物蕭疎更海鄉藤絡邊嵌山解長
花移鄴本土猶香棋聲靚畫林陰淡扇影閒秋水氣長
莫道官忙行樂少也分物色到奚囊

上海

夢斷三更鷓蘆邊繫短篷聽潮看海月坐石受天風物
至秋而化年來我亦翁長歌相勞事猶喜此樽同

新晴

林影熹微曉乍晴老於世故獨關情連烽未撤邊頭戍
積潦猶妨隴上畊幾為餉蠶憂濕葉重因漂麥困饑萌
龍公多事多勞耳萬里由來要得平

錄錄

錄錄竟何為衣塵日以緇故人閒入夢久雨頗妨畦燕
履登巢息蜂程載蜜虧獨斟蓮葉酒愁絕杏花詩

除夕

京國逢除夕
栖遲鬢欲霜
春聲生竹爆
歲色動椒香
戒睡聽雞早
占詩探繭忙
燭花頻送喜
兒女笑烘堂

禱雪天竺由靈鷲過冷泉

降香天竺去
淪茗冷泉來
新徑石間過
危亭木杪開
煙山晴若畫
桑葉濕如灰
點檢經行處
今年未見梅

祀事

誤被雞催起
閒聽漏鼓稀
書檠風展卷
香籠火生衣
困嗅茶猶病
吟殮菊可肥
月明天路靚
親到帝旁歸

西湖清明

芳天新霽惠風和軟綠平隄凝不波桃李無言看客慣
樓臺如畫占山多游裾匝路填車馬翠榜開筵鬪綺羅
寂寂寒煙生水面白鷗奈此月明何

酥

兼味醍醐外分身乳酪中江南鳴犇犢塞上寄飛鴻乾
雨看如幻生鹽訝漸融腸殘猶有待煎取牡丹紅

倉蠓次韻芸隱

相黏成什伯峯聳若山王

史南人呼明駝為山王

攻處須犀汁持

來出蟹湯梅花霜後味竹色酒邊香坐憶游閩樂今年

始得嘗

次韻月中聞鶴

月明華表語霜清萬籟沈沈靜有聲一自別來瑤樹長
幾回飛夢到層城

孤影徘徊月旦中流離滿貯酒如空東皇太乙應來下
笑指梅花一信通

齋宮偶題

衆綠扶疎雨氣清
柳花吹作小池萍
文窓晝寂齋房邃
三漱華池誦玉經

同寮約遊香林分韻得林字

約我當休沐
同過香遁林
棋邊翻覆手
酒外太平心
石漱晴湍細
猿吟夏木深
歸帆帶疎雨
涼意滿幽襟

春潮偶題

忙裏偷閒答物華
一官隨分是生涯
春風酒棹河堤柳

曉月吟羈輦路花報喜忽聞枝上鵲忘機時下屋頭鴉
殘年悶鈍今朝盡重對菱花拂帽紗

重游大滌洞天

澗水冷冷石髮新松花香靚翠崖深雲生不沒仙人跡
丹化猶啼搗藥禽洗眼人多求聖水醒心吾獨愛清音
杖藜更欲過新洞羨爾春空一洗襟

東菴與道者語有感

瘦策松間日又斜更過南崦喫新茶丹青嶺樹明寒葉

水墨江天噪亂鴉付酒一杯真樂事讀書萬卷是愁涯
更嘗世故知閒味河水依然鬢自華

朱柿

慈恩分種遠駢實渥如丹垂野華星燦然雲火樹寒蟹
螯微有忌猩血訝難搏七絕雖堪賞無勞把核鑽

喜李鶴田至次阮雲心韻兼寄

月樹秋來碧幾尋古薌熏徹紫芝吟無因得去陪清賞
祇寄山君一寸心

澆酒逋梅又幾回
愁吟舊雨獨登臺
星星鶴語山窓曉
割得雲心古錦來

九日

細看黃花把一枝
東籬猶是昔人非
題糕酒外豪心在
吹帽風前素髮稀
雁叫霜天悲故國
鴉翻溪樹背寒暉
百年獨有閒居樂
可怪東山事竟違

道場山

訪碑無古跡
丹碧覆嵯峨
塔向城中共
山從寺右多
疎

松小溪路遠淒太湖波何處書堂在猶嫌隔翠蘿

何山

山因人得姓人去佛來居隣有天章墓碑無玉局書幽
溪通古閣荒澗入春畬客子吟鬚冷高峯夕照餘

月泉紀游

小春霜寓曉間訪古招提何歲齋魚廢初弦顧兔迷先
民堂上像寓客柱間題僧戶蜂分小山形虎穴低松青
江廟北竹老野橋西親汲聊煎茗深登信杖藜琴師年

九十相見手重攜

不寐

空牀展轉對孤檠
寒漏年長更雨聲
如此乾坤閒歲月
明朝華髮滿頭生

寄鶴田

鶴向孤山去未歸
片雲行雁與心期
新詩不著工夫得
雪外看花獨立時

至後

陽生七日驗飛葭
袞袞天機歲載華
江草未回青帝夢
香雲漏洩與梅花

雲川次韻鶴田

苔雪雙流合
颿檣萬里通
連山黃獨雪
一雁白蘋風
酒戶春醅淺
魚村晚市同
舊遊蕉鹿外
未老已成翁

歲晏用趙誼父訪雲心韻以寄

看春知幾度
元髮故應非
世事真猶夢
人生瘦勝肥
竹邊隨意入
梅下得詩歸
緬想羊何友
湖山樂所依

正月二日雪

雨送冬雷了如筵墮曉晴縈盈溪樹色騷殺紙窓聲著
瓦消還易因風凍不成紛紛門外履猶自賀元正

送晏桂山赴高沙郡

青衫赴闕已三遷紅旆臨州不五年舊吏誇榮從事府
新民迎擁使君羈牡丹池館春融日莚葉汀洲水漲天
自是邊籌談笑辦歸來仍侍玉皇前

接武容臺彼一時溪鄉重幸得追隨鷗前心事滄浪影

梅下吟情汗漫期感慨中年無近別徘徊明月有相思
殷勤勸醉陽關曉受盡揶揄只自知

秋思

暑退涼生體氣佳捲簾聽雨感年華西風葉葉梧桐冷
開盡庭前白鶴花

溪上

今夕知何夕吾意亦良適明月滿船蓬清風動帷席雨
過前溪渾停雲半空白衰荷無嬌紅老梧有枯碧頻更

燭對棋仍把酒澆石歲行變暄涼朋情慨離索相思日
以長孤吟夜方寂露下客衣單草際螢光奕年年修玩
心一醉不得惜

鶴田還江右

欲留雲共住雲去楚天長此日吾猶惜中年別易傷搜
吟梅下影睹奕橘中香謹勿移山諾春風入帝鄉

歸雁亭

青雲影裏自由身幾倚闌干看不真又是江湖春雪盡

年年腸斷玉關人

午日次韻池襲父

小泊蘋香柳下磯
重逢佳節感年時
東篙偶作人形想
采藥須供國手醫
江鏡願為明主監
楚菰愁賦逐臣詞
酒邊聽盡敲蓬雨
數日淮南去未遲

垂虹

四岸俱無只有天
煙檣如雨落鷗前
不知笠澤翁何許
波上青風一萬年

憶看前游十四年三高祠下夕陽船無錢買得鱸魚膾
吟就菊花香裏眠

姑蘇臺

故址畊殘草樹秋無人曾見鹿來遊甬東亦是當時月
不照笙歌只照愁

虎丘

曼陀石上無根樹歷歷生公說法餘劒水一泓清徹底
至今人說有龍居

惠山

石苔滑潤屋連斜
第二泉邊古佛家
一壑松風聽不了
卻留僧坐自煎茶

棟花

綠樹菲菲紫白香
猶堪纏黍弔沈湘
江南四月無風訊
青草前頭蝶思狂

毗陵天慶觀龍

殿陰壁老懷仁筆
頭角崢嶸春起蟄
有時麾斥惠山雲

行雨歸來半生濕

丹陽道中流寓人

累土編茅古制庠官田種秫得沾私自言身健無徭役
猶勝平生江北時

京口運河上

荒荒永岸水如溝翁仲無言立上頭日日餽舟銜尾去
東南民力尚支不

多景樓

假日此登臨淒涼北望心戍烽孤障杳塔影一江深壯
士投鞭想將軍誓檝吟所嗟人事異天險古猶今

金山

江心臺殿切空雲夜月魚龍影不分八十老僧相引說
潮痕不上郭公墳

瓜州

如此江濤更有人佛狸竟死不能兵幅巾短櫂鷗前夢
未省當時有此城

維楊即事

牛斗星邊禹貢州東南屏蔽大江流
向來明月珠簾夢不信秋風夜析愁

皂角林前野地寬新塘路口草泥乾
天乎如此功名事成敗觀人自昔難

茅屋蘆門半街坊居民無事亦軍裝
愁來莫上城頭望西北浮雲接太陽

月明城上韻邊笳一枕三更夢到家
不耐楚氛真僻性

賦詩酌酒與瓊花

土霧如蒸暴暑天
燭龍偏駐柳邊船
三清觀裏風廊午
滿意題詩借榻眠

平山堂弔古

隔江山色畫圖中
故趾荒來與廟通
畫地雄添淮海水
占星南直斗牛宮
試評蜀味長泉在
欲唱歐詞古柳空
往事茫茫增感慨
聊憑戍卒指西東

平山和韻鶴田

瓊花應自笑南翁白髮栖栖逐斷蓬
兵後百年城郭是塵間多事古今同
孤煙遠堠如常雨五月窮邊尚冷風
可待莼鱸歸盡興長吟且復付杯中

道中觀戽水戲書

秧馬泥深繭犢閒
燭龍顧影桔槔間
尋常六月江南雨
不比君王帑藏慳

兩宋名賢小集卷二百六十七

欽定四庫全書

兩宋名賢小集卷二百六十八

宋 陳思 編

元 陳世隆 補

雪坡小藁

羅與之字與甫一字北涯螺川人端平間累舉不第
遂歸隱賦詩云古來至寶多橫道何事荆山泣卞和
亦自寫其不平也晚年潛心性命之學嘗作譚道衛

生諸詩皆閱歷後見道語有雪坡小藁二卷

短歌行

金谷桃李叢畚鍤費培植寒氷猶未泮花葉已蕤蕤貞
松生南山石老厥土瘠春回氣尚淺生意幾欲息東星
本無私花根異形色曾謂天地功不及冀土力

寄衣曲

憶郎赴邊城幾殷秋砧月若無鴻雁飛生離即死別
愁腸結欲斷邊衣猶未成寒窓剪刀落疑是劍環聲

此身倘長在敢恨歸無日但願郎防邊似妾縫衣密

舟次赤壁

吳王峴畔泛川流赤壁磯頭半日遊勝地空餘豪傑迹
扁舟不載古今愁極知風景終無異莫念天時逝不留
傷事傷懷長太息靜看江雨沒浮漚

束擔

束擔出荆扉征塵染敝衣人憐雙鬢改我悟半生非抱
璞今誰訴知音古亦稀尋思無一可吾道欲安歸

旅思

荏苒秋光老空濃晚色奇霜嚴雀語澀風定燕飛遲旅
思荒煙夜鄉心野水涯夢歸歸未得愁極祇顰眉

送春

正是風光欲別時可堪煙外雨絲絲怕看太白餘春賦
嫌誦淵明止酒詩晝短擬教持蠟炬愁深悔不下書帷
自知無計能遮道任作園林隔歲期

黃鶴樓

翬飛棟宇據城端
車馬塵中得異觀
雙眼莫供淮地潤
一江不盡蜀波寒
老仙橫笛月亭午
騷客懷鄉日欲殘
獨撫遺蹤增慨慕
徘徊不忍下層欄

玉梁道中雜詠

一別三會峯轉燭
開半紀山根石上苔
已沒舊履齒摩挲
青青松彼樹猶如此
睠言枕清流為洗
囂塵耳
清商泛西來刺刺
滿林塢草木倏變
衰柯葉不相顧
昔時翳空雲今作
連山雨
菊花猶強項
籬邊爭媚嫵

片石能邀人想此兩足趼忽逢黃冠師對語白雲巘眼
中景物饒恨我蓬華遠躊躇不忍去泉石尚可剪

峭壁園莽蒼荒谿人削迹時聞蘆葦叢野鳥話岑寂浮
生雖有涯幽討當無極御風獨長嘯此心謝機帛

曉霜媒薄寒巖壑失故綠輕飈振槁葉唱徹陽關曲秋
光何足憐嗟此歲事促愁吟思無聊日沒西山麓

泠泠澗底泉破碎山根翠苦欲留佳客曲折二十四我
行無定止蠟屐信所詣偶來憺舍去乘興聊復爾

支枕郁木山月色瑩如洗林幽枕席清景勝夢魂偉丁
當鳥忽啼令我驚欲起金丹事可期永願供薪水

乾坤掃陰霾晴色蔽幽谷山川薦秋容奇秀若可匱千
巖寄一筇萬里付雙目行行翠煙中日與清景逐

濛鴻玉梁境縹緲雲霞仙月壇白雲洞遺址空依然千
年唯亂石蹲踞秋山煙徘徊莫可見酌盡丹井泉

塵坐不可奈飄然入林垌稍覺道心勝漸至詩脾清靜
極生孤愁耿耿難為情喧寂兩莫愜吾意何由平

春殘

林端啼鴂損年芳
洞口空憐野水香
人與落英兼寂寞
蝶隨飛絮兩彷徨
不因花事榮枯易
未覺春工代謝忙
却愛曉來風日映
綠陰千大漾橫塘

絕知

羈旅日騷騷
人間事若毛
絕知操筆誤
深羨把犁高
百歲纔能幾
終朝強作勞
虛名竟何益
肯把換蒲萄

登玉笥山役龍洞

捫蘿入幽谷眼界益崢嶸石壁斷人跡泉流聞鳥鳴日
高雲未散秋晚草猶榮坐久無歸意悠然世念輕

間立

曉來間立小谿邊看徹遙峯入紫煙四壁儻堪供我隱
一寒未至乞人憐功名不與樽前事時序寧知局上遷
可笑區區當世事滿懷冰炭苦相煎

下第西歸

拋却銀袍製芰荷春風一曲紫芝歌古來至寶多橫道

何事荆山泣下和

才難濟世甘避世心不愁天惟樂天林下山間深密處
曲肱飲水興悠然

江行阻風小市

弭棹黃蘆外江雲遶柁牙寒深身軫東風急浪生花日
暮人收市年窮客念家倚蓬無可奈忍見後歸鴉

遊春

春濃無處不相宜草暖雲昏二月時蝶舞花梢風細細

鶯啼柳底日遲遲
摸將景物歸詩卷
判得光陰付酒卮
箇裏各隨人自得
五陵豪俠豈能私

始見

雪後寒猶勁
書窗怯暫開
因沾江畔酒
始見竹間梅
歲月崢嶸去
衰顏次第來
誰能憂許事
杖履且徘徊

山行

狂飈卷雨辨朝曦
似與新時有會期
秋水秋山秋草木
渾將乞與數篇詩

煙草淒迷露未晞一筇伴我立晴暉
丹楓雖老猶多態散作漫山野蝶飛

旆旆黃茆發眼明荒郊盡日絕人行
誰知氣象蕭條處賸有山川可鼎烹

槁葉忘身絕澗流蘆花搔手欲風休
羨渠山鳥渾無事相對飛鳴草樹頭

片雲輕度半巖陰巾履俄驚翠靄深
澗底寒泉知客懶石根漚漚自長吟

烏藤落手野煙開水秀山明入望來舊日經行曾著語
試看石壁已莓苔

盡日留連興未闌寒鷗背負夕陽還遙知今夜空窻夢
只在江南水石間

客裏

客裏愁濃處秋宵月欲斜雁聲頻到枕蝶夢未還家世
有多岐苦人因一念差遙思林下去蓑笠釣煙沙

寄玉笥蕭高士

滴露謦真誥蕭然莫與羣新詩高似月世念薄於雲俗
走堪憐我閒眠極羨君唯餘綠綺韻惆悵未曾聞

尋芳

尋芳自控青絲鞚日煖煙濃春意重晚來被酒卧花陰
流鶯喚醒東風夢

桂花爛漫一夕敗於風雨呼童掃落英以供香事
戲作古句

小山涼風高秋氣遠庭砌江南山水秀鍾此數叢桂亭

亭蒼虬蟠磊磊粟玉綴薰染風露香擺脫脂粉媚芙蓉
已無秋籬菊極羞媿幽芳蕙百畝香味亦瑣細孰知標
格奇自取造物忌狂風扶怪雨族滅無噍類纔憐金作
屋俄驚粟布地姿容就枯槁氣骨尚奇異如彼死諸葛
凜凜有生意試炷博山火來參煙一燧

喚我

晴空喚我出柴扉山色留人倚落暉春意已隨流水去
晚風忍挾亂花飛尋思樂事惟心在惆悵良辰與願違

尚有扁舟可泛處江南水暖鰕魚肥

客行

客行困泥潦山堆不勝長就使雨點暴更令風力狂時
危嫌店遠日暮覺程忙身世摧頽甚艱難已備嘗

山居間思

雲散山月吐星稀山月高相羊風露底望月誦離騷
萋萋兒女態春鋤金石交曉來微雨過涼思滿蒲梢
雨作糟牀注秋生鱸膾思卷簾了清景流水裊煙絲

夢迴

酒薄難成醉，輕寒襲破衾。
夢迴孤客枕，聽徹草蟲吟。
寂寞三秋夜，淒涼一片心。
山林與朝市，底處豁愁襟。

夏雨

飄忽回風起，差池高鳥翔。
雲凝千嶺碧，雨獻一天涼。
飽意歸田畝，歡懷入醉鄉。
忽思素秋氣，蕭瑟滿空堂。

輾轉

郵亭徹夜聽秋聲，輾轉藜牀直到明。
月白霜輕寒剪剪。

築成萬里客愁城

寄企梅兄

朱墨叢中不殫勞
驕然聊試發硎刀
得時行道官無小
與物為春政自高
間對崆峒餐秀色
醉濡章貢助吟毫
自憐無計相從去
十八灘頭泛一舸

中秋步月

林間一葉秋
屏去三伏暑
淒然風露清
絺綌莫能禦
炎涼相推移
何為遽如許
孰知秋已半
今夕四十五

幽人披襟來步此一庭月如渡潯沱水似泛山陰雪誰
將羌管急間彼鄰杵切冉冉秋思生令人欲愁絕
空山本無塵況復值良夜風清月色佳圭璧不當價徐
行苔徑間小立林影下飄飄意欲仙舉手人世謝
光陰若劈箭行樂常恐遲人生百歲客擾擾竟何為四
美古難并千年調亦癡麴生不我棄邀月聊自怡
景物與意會撫髯聲悲鳴一語得總持萬狀就使令以
我詩思苦賞此秋月明今夕月明裏幾人同此情

姑蘇道中

滿眼菰蒲翠撲衣
雙雙沙鳥漾斜暉
閒愁一段如冰釋
楊柳叢中出酒旂

信步

信步獨幽尋
春山野霧深
鳥啼如喚僕
泉響似鳴琴
日暖草爭秀
風狂花不禁
却嫌荒癖地
無酒與春斟

泛舟秋懷

白露消磨暑
丹楓點畫秋
閒吟小山賦
歸思大江流
世

盡營三窟人誰樂一丘
篷窗有佳致月朗正風休

木犀花

金粟如來澗壑姿不隨桃李赴春期
江南花品秋居最何況秋花中絕奇

湯沐晴空顯露繁清香十里壓旃檀
紗窗夢覺秋風度疑是儂家住廣寒

秋影連蟾隱士攀渾無蜂蝶浣林間
何人說與陶元亮未必東籬勝小山

山行愁思

日落煙欲橫山寒翠將滴荒村渺愁人跬步觸四塞路
遙兩髀酸頗恨身不翼舍策還悵然倦倚松下石

明月印野水暮色進旅愁僕痛主亦疲心口相怨尤茅
舍劣容膝弛僣聊小休曾當理歸策甘彼窮山囚

夜宿郁木福地徜徉明月間遐想仙風得五十六

字

騎氣乘雲事已灰娟娟野月照蒼苔自憐不及壇前石

曾遇仙翁躡屐來

淒涼風露濕人衣
猶自踟躕未忍歸
樹影忽來山月轉
誤驚鶴翅似輪飛

閒居遣懷

日暮掩松關
悠然謝往還
停盃因待月
徙倚為看山
貧
悟道中樂
醉偷忙裏閒
耳根偏可意
風澗響潺湲

寂寥

睡起和春倚小廊
寂寥情緒滿斜陽
園林已是花飛急

簾幕爭禁燕語忙

兩宋名賢小集卷二百六十八

欽定四庫全書

兩宋名賢小集卷二百六十九

宋 陳思 編

元 陳世隆 補

雪坡小藁二

羅與之

書感

設險重門未足憑民心應自有長城朝廷休戚視田野

宗社存亡非甲兵氣實精神寧敝竭本枯枝葉可敷榮
古人經理先觀勢兩臂于韓孰重輕

蛾眉亭

悠悠飛鷺滿汀洲極目蛾眉最上頭對此江山還有月
知他世界盡無秋情懷杜老鄜州夜景物坡仙赤壁遊
長嘯劃然空谷應風生浪湧不容留

動後

莫作楊朱泣路岐此心自被利名移車奔寧是駕尼父

舟覆應非載伯夷

出說難

悔吝從來生後日嘯歌元祗在

間時可憐秦晉功成者欲避危機已太遲

文到

簡編香外雨孤翻翰墨場中春日暄
文到工時疑有助
道逢極處本無言
當年誰可輩
任昉後世人
方怪屈原
勿謂詞章真小技
精粗微妙豈殊根

臨流

習習涼颼起素波
臨流解帶小婆娑
秋光已共蘆花老

夜雨那勝落葉多不覺儒酸同糾纏極知妄想盡消磨
笑中班史猶堪質肯作商聲甯戚歌

鳳皇臺間眺臺前瞰軍壘有感而賦

秋風攜野客杖履鳳皇臺忍見貔貅戍更聞鴻雁來時
方憂大厦世豈乏良材何日覽輝至龍文載九垓

為言

日薄寒濃春意微花鬢柳眼尚依稀為言羯鼓休頻打
催得先開即早飛

秋林

秋晏玄雲積陰平蕪氣象極蕭森細看搖落風霜意
已見發生天地心畢竟栽傾非外致豈伊培覆自相尋
若教宋玉曾聞道九辨悲思未遽深

卧疴

六塵緣影正堪嗟二豎乘虛勢益加憶昔鼻頭能出火
即今眼底已生花婦言伐性多因酒醫戒傷生少試茶
悟罷本來安得病角弓誰使認為蛇

題采石李太白祠

仙翁謫墮岷山下，逸氣如虹耿林樾。
萬言倚馬不為難，坐令神鬼皆驚嚇。
翹翹車乘懸弓旌，疇咨時政肝膽明。
和番書草金鑾殿，清平詞度沈香亭。
傲睨視漢婉黃綺，寶牀賜食龍顏喜。
掉頭颺作燕，晉遊却笑卿相紆朱紫。
開元盈盛亦已極，屏間山水代無逸。
未必脫靴恨爾深，自是見幾不終日。
錦袍錯落浮扁舟，呼兒買酒盟江鷗。
天公似悔夜郎禍，明月已起煙波愁。
采石青青三尺墓。

至今祠祭勤呵護

長至書意

萬草千花若死灰
陽和一氣已潛回
莫言舉世無先覺
幾處寒梢放野梅

商歌三首

東風滿天地
貧家獨無春
負薪花下過
燕語似譏人
白屋釜生魚
青樓行細膾
靜思天地間
寧有私覆載
門前桑柘枝
中有十錦機
遊人不迴顧
桃李獨成蹊

却羨

貴客寧知拂徽琴。郢人漫倚引商音。那堪歲月化雙鬢。
空有悲歡寄寸心。囊底有方餐白玉。牀頭無術致黃金。
抗塵走俗曾何補。却羨鷓鴣托一林。

三高亭

灼灼曾暉漸欲西。長橋弭棹倚欄時。湖光渺漭浮寒鑑。
山色依稀抹黛眉。一舸功成非本志。三秋歸思亦何遲。
始終惟有天隨子。笑却旌招理釣絲。

花下嘆

人生何處較窮通天意元難測始終花落花開翻覆手
君看同此一春風

林深

林深氣雜不相關衆建芳馨雨廡間月榭琴彈新製曲
曉窗畫展舊遊山淒涼風滿竹千箇的皪春歸梅一斑
可笑野人無繫累機心猶在釣魚灣

纔是

忍看繁紅委路塵空餘野草綠無垠人生憂樂何終極
纔是迎春又送春

一夜

潦收野水淨雲陣布重陰一夜西風急千山落葉深身
猶衣暑服耳已厭寒砧對此無心者還應雪滿簷

寄遠詞

寒梢蕭索風振林蟋蟀切切語欲噤終宵輾轉不能寐
遙憶良人戰場裏陽關一別歸無期翠煙幾度秋螢飛

當時手種合歡樹今已蒼蒼雲四垂蜀錦裁書憑雁寄
那能道人意中事深秋倘得未移軍猶見幽閨數痕淚
居延城外刁斗聲無定河邊霜月明妾身雖老幸未死
何日中原賀太平

被酒

人間笑口信難開十事嘗嗟九不諧忙裏始知閒氣味
老來方見少情懷清商淒淒歲無幾玄髮蕭疎生有涯
誰謂伯倫聞見減却甘麴蘖自沈埋

衛生

屏去雞壘與豕零試聽我誦衛生經
兩忘寵辱心源靜
一掃榮枯眼界明
酖毒不令生厚味
姦邪寧使出繁聲
冥鈞深養靈根固
四體調和血氣平

瀟湘道中

客行適瀟湘淒其歲云晏
枯梢風騷勞荒郊雲漶漫
械雨聲急皚皚雪花燦
紆縈泥途深渺默山堆遠
日暮欲稅駕天末叩孤館
米盡甌生塵薪濕火不煖
此意對

三閭似結兩重案人生如空華百歲等抹電那忍聽客
塵日夜苦相煎懷安名所敗飽食親孰顯恭承古昔訓
險阻寧敢憚信知有此身乃是一大患愁深不能寐歌
長未及亂門前車鐸鳴翰音復號旦

看葉

紅紫飄零草不芳始宜攜杖向池塘看花應不如看葉
綠影扶踈意味長

談道

欽定四庫全書

師子名集
卷二百六十九

休將視聽探希微衆妙何嘗間險夷舍一而求非恍惚
自三以究豈支離試看瓦礫道寧隱若外筌蹄思益奇
熱即取涼寒向火是中消息幾人知

己亥中秋

此行不負中秋夜采石江頭醉及晨獨御涼風尋古迹
驚看明月照今人詩騷寂寞雖云久光景推移豈解陳
却怪悲鳴營度處筆端何事竟無神

虎溪

衝幺吹客襟飄拂虎溪渡遠想三笑時此意固有寓孰
知秘密藏奚聞笑默語繩繩徹上下綿綿貫今古東林
鐘聲幽康廬山色嫵是皆善知識長時相警悟世人自
合塵兩耳聾莫覩百千微妙義墮在一毫許我行發深
省如重睡忽寤向人欲舉似有舌不能吐

默坐

厭調鞍馬佩金壺默坐空窻氣晏如已覺胸襟無得喪
那知花草就榮枯絃何庸絕琴寧有聲未曾銷塵本無

金史卷一百六十九
此語倘教遊子聽料應笑我一何愚

倦倚

蟬聲無語細相和池面纔浮點點荷倦倚闌干消永日
葡萄陰薄柳風多

此悟

遑遑偶偶亦堪悲桀死堯生畢竟齊空羨駝峯烹翠釜
漫思鱸膾拌金蘂榮華代謝看荊棘今古推遷望澗溪
造化密移於此悟長歌拾穗任天倪



兩宋名賢小集卷二百六十九